

ՔԱՐԹԼԻԻ ՄԱՏՅԱՆ

Ափիազաց և վրաց աբխա Բագրատի որդի՝ ճիսունեկուներոդ
թագավոր Գեորգի Բագրատունին՝

Իսկ այս Գեորգին տիրեց իր ողջ հայրենիքին և թագավորությանը պա-
տանի հասակում, քանի որ, երբ թագավոր դարձավ, տասներկու տարեկան էր։
Այդ ժամանակ սրանից զատվեց Հերթ-Կախեթ երկիրը, և ազնաւորներն
ուխտադրությամբ կալանավորեցին էրիսթավներին։ Նրանց երկրներին վեր-
ստին տիրեցին իրենց իշխանները, որոնք նախապես տիրում էին այնտեղ։
Իսկ նրա թագավորության յոթերորդ տարում՝ Գեորգիի դեմ ելավ հու-
նաց արքա Վասիլը՝ ողջ Հունաստանի և օտարազգիների անհամար զորքերով։
Իսկ Գեորգի արքան նրան ընդառաջ ելավ մեծ զորքով։ Եվ երկուսն էլ բազում
օրեր ճամբար դրեցին Բասեն երկրում, բայց մարտի մեջ չմտան։ Հեռացավ
Գեորգի թագավորը, եկավ և հրկիզեց Օլթիս (Ուլթիս) քաղաքը։ Այնտեղից
անցավ Կոլա (Կոլ գավառ), իսկ հունաց արքա Վասիլը նրան հետապնդելով
հայտնվեց Գեորգիի թիկունքում։ Եվ մարտի բռնվեցին Գեորգիի վերջապահ
և Վասիլի առաջապահ զորքերը ու տեղի ունեցավ մեծ ճակատամարտ՝ Շի-
րիմնի (Շիրիմ) գյուղի մոտ։ Երկուստեք շատերը կոտորվեցին, սպանվե-
ցին էրիսթավները և դիդեբուլները, Լիպարիտի որդի Ռատը և խուրսը։ Եվ
ուշ հասավ լուրը Գեորգի թագավորին, թե հարձակում է տեղի ունեցել վեր-
ջապահների վրա։ Այնժամ հրաման արձակեց իր զորքին և շտապ գնացին։
Ելավ իր զորքի բազմությամբ հանդերձ Գեորգի թագավորը, որն ըստ ամե-
նայնի քաջ էր և անվախ՝ ասես միս ու արյունից չէր ստեղծված, և նրա հետ
էր իր զորքի բազմությունը։ Եվ այնտեղից եկավ Վասիլ արքան իր ողջ զոր-
քով։ Երկուստեք մարտի բռնվեցին, տեղի ունեցավ մեծ ճակատամարտ,
բազում հույներ կոտորվեցին և ավար վերցրեցին։ Նրանց միջև ճակատա-
մարտն այնչափ երկարեց, որ Վասիլ արքան պատրաստ էր փախուստի դի-
մելու։

Իսկ երբ վրացիք ալլևս չդիմացան, տեղի տվեցին և նահանջեցին։ Հույ-
ները հետապնդեցին և սրի քաշեցին շատերին։ (Հունաց) զորքը հասնելով
Արտանի (Արտահան), գերեվարեց բնակիչներին և ավերեց այն։ Եվ երբ Գեոր-
գի արքան եկավ Թոնդը, նրան հետապնդեց (Վասիլ արքան), ավերեց Զա-
վախք երկիրը և անցավ Թոնդը։ Դարձյալ մոտեցան միմյանց, քանի որ ուժե-
ղացել էր Գեորգի թագավորը՝ բերելով Կախեթի և Հերթի զորքը, սակայն
խանգարեցին կրկին մարտի բռնվել։

Նահանջեց Վասիլ արքան Թոնդից, շրջանցելով Զավախքը և Արտա-
նին։ Եվ դարձյալ չարամիտ վրեժխնդրությամբ ավերեց այդ երկրները, գնաց
ու ձմեռեց Խալդեսաց (Խաղտեսաց) երկրում, Տբապիզոն քաղաքի մոտ։ Եվ
նրանց միջև պատվիրակներ էին գնում-գալիս՝ դաշինք և բարեկամություն
հաստատելու համար։

Այն ժամանակ մեծ խռովություն տեղի ունեցավ Հունաստանում։ Միա-
ցան սպարապետ և Փոկա ապստամբ լալի որդի Մովսիսը ու Արևելից կողմանց
երկիրն² իրենց թիկունք դարձրին։ Վասիլ արքան մեծ սարսափի ու շփոթ-
մունքի մեջ ընկավ։ Սակայն աստված ողորմաց նրան. Քսիփեսը սպանեց
Մովսիսին, և նրա համախոհները զաւովեցին։ Իսկ Քսիփեսը հատուցում ստա-
ցավ Մովսիսի հանդեպ ցուցաբերած նենգության համար. քանզի նրան (Քսի-
փեսին) գերեցին Դալասանոսների բերդում Փոկայի որդուն սպանելու հա-
մար, բռնեցին և տարան Վասիլ արքայի մոտ, որը նրան աքսորեց կղզի-

* Միկայել տե՛ս ՀեՄԶ ԳԱ Լրաբեր հասարակական գիտությունների, 1989, № 9, էջ 60—80.

ներից մեկը: Եվ նրա նմաններից (ապստամբներից) շատերին գլխատեցին, որոնց մեջ էր նաև Փերսի որդի Ջոջիկը, որը սերում էր Տալքից. մյուսները հույներ էին:

Վերադարձավ Վասիլը, եկավ Բասեն, պահանջում էր երկրները և բերդերը, խոստանալով հաշտություն և խաղաղություն: Գեորգի թագավորն. իմանալով ուղարկեց Ջվիադ էրիսթավին իր իսկ զորքով և հրամայեց որոշ ժամանակ դաշն կնքելու պատրվակով նրան տեղում պահել, մինչդեռ ինքը հետևեց նրան հզոր զորքով: Եվ այսպես էր դատում. «Եթե հաշտություն կկամենա Վասիլ արքան, թող լինի այդպես, իսկ եթե պատերազմ կամենա, դրան էլ պատրաստ լինենք»: Իսկ ովքեր չէին կամենում խաղաղություն, սկսեցին պատերազմի նախապատրաստվել: Եվ շարժվեցին Վասիլ արքայի դեմ, որը ճամբար էր դրել Սվինդաքս կոչվող վայրում³:

Մարտի բռնվեցին և նրա զորքի մի մասը փախուստի մատնեցին: Ջայրացավ Վասիլ արքան, հրամայեց բերել կենաց խաչը և սուրբ թիկնոցը փռեց գետնին, ասելով. «Եթե ինձ թշնամու ձեռքը հանձնես, այլևս հավիտյանս ձեր երկրպագուն չեմ լինի»: Եվ երբ նրանց միջև մարտը երկարեց, վրաց զորքերը դարձյալ փախուստի դիմեցին և հեռացան փախչելով, անհամար թվով (մարդիկ) սրի ճարակ դարձան, ոմանք էլ գերի ընկան: Եվ ավար վերցրին հույժ մեծ և զանձը թագավորական, որ իր հետ (Գեորգին) ունեցի:

Եվ Վասիլ արքան սկսեց հետապնդել նրանց: Սակայն նորից սկսեցին հաշտության բանակցությունները առաջվա պես, քանի որ (Վասիլը) մեծապես երկյուղ էր կրում Հունաստանում (սպասվող) խռովությունից: Եվ դաշն կնքելով, խաղաղություն հաստատեցին, ու Գեորգի թագավորը պատանդ տվեց երեք տարեկան իր որդուն՝ Բագրատին և ազնաուրներին, նախապես շնորհած բերդերը դատարկելով հանձնեց, սկզբում հանձնած բերդերին ևս տասնչորսն ավելացնելով, ինչպես նաև Դավիթ կյուրապաղատին Տալքում, Բասենում, Կոլ-Արտանիում (Կոլ-Արտահանում) և Ջավախքում պատկանող երկրները: Իսկ այս երկրների որոշ եկեղեցիներ, գյուղեր և բնակավայրեր (Վասիլը) շնորհեց Գեորգի թագավորին: Եվ գնաց Վասիլ արքան, իր հետ որպես պատանդ տանելով արքայազն Բագրատին՝ մեր Գեորգի թագավորի որդուն: Երգվելով խոստացավ, թե «Երրորդ տարվան որդուդ քեզ կվերադարձնեմ»: Եվ երեք տարի մնաց թագավորանիստ Կոստանդնուպոլիս քաղաքում: Երրորդ տարվան հետ ուղարկեց, ինչպես և խոստացել էր⁴:

Եվ երբ վերադառնում էր հայրենիքը և թագավորությունը, նրան մինչև սահմանն ուղեկցում էր Արևելից կատապանը: Եվ երբ սահմանն անցան, շտապ նրանց հասավ մանդատորը և կատապանին հանձնելը Կոստանդին արքայի⁵ հրովարտակը, ուր գրված էր հետևյալը. «Կամոքն աստծո վախճանվեց իմ եղբայր երանելի Վասիլ արքան, և նրա փոխարեն ես եմ դառնում ողջ Հունաստանի արքան: Արդ, ուր էլ հասած լինի Ափխազաց (իշխող) թագավոր Գեորգիի որդի իմ հպատակ Բագրատը, վերադարձրեք շուտափույթ, որ մեզ ներկայանա»:

Իսկ երբ նա (կատապանը) կարդաց արքայի հրամանը, ցանկացավ (Բագրատին) վերադարձնել նրան՝ հրամանի համաձայն: Իսկույն հետ դարձավ և սկսեց հետապնդել: Մոտենալով տեսավ, որ դիմավորողների խիստ մեծ բազմություն է ընդառաջ եկել, դիրքերովները, էրիսթավները, ազնաուրները՝ տայեցիները, մեսխերը և քարթլեցիները և որ թիվ չկար նրանց բազմությունը: Շրջվեց և ասաց մանդատորին, որը մոտեցել էր. «Եթե կարող եմ, վերադարձրու, ես այլևս ի վիճակի չեմ այդ անել»:

Օհ, աստծո մեծ հրաշք և ողորմածություն: Ինչպես իսկույն փրկեցի արդարին նրանց ձեռքից, ովքեր կամենում էին նենգությամբ վերադարձնել նրան: Եվ եթե որևէ մեկը կամենա իմանալ այդ, աստծո օգնությամբ տեսեք և իմացեք այն աստծո անթիվ ողորմածությունը ափսազաց թագավոր Բագրատ Մեծի նկատմամբ, որպիսին ոչ մի այլ թագավոր չէր արժանացել, որոնց մասին խոսք կլինի առաջիկայում:

Երբ ներկայացավ իր հորը՝ Գեորգի թագավորին, Քութաթիսում գտնվող իրենց արքունիքում, տեսան ծնողները իրենց որդուն, որն իրենց նման էր չտեսնված ու չսված առաքինությամբ: Ամեն ինչով գեղեցիկ էր և նրա դեղեցկության մասին մարդ անկարող է պատմել: Տեսնելով մեծապես ուրախացան և փառք տվին աստծուն: Այդ ժամանակ բրոնիկոնի երկու հարյուր քառասունհինգերորդ տարին էր (1025 թ.):

Այնուհետև պատրիարք Մելքիսեդեկը՝ մեկնեց Կոստանդնուպոլիս՝ Կոստանդին արքայի մոտ: Ընդունեց նրան Կոստանդին արքան և շնորհեց եկեղեցիների զարդեր, սրբապատկերներ, խաչեր և վարդապետական ու քահանայական (զանազան) զգեստներ և իրենք Վերադառնալով իր երկիրը և իր թեմը, գնեց գյուղեր Տայքում՝ Զեդկարեկը հինգ ագարակով, իսկ Զաղիս-խեվիում (Շնաձորում) գնեց Օրոթա (Որոթա) գյուղը երեք ագարակով: Այս երկու գյուղերն իրենց ագարակներով հանդերձ գնեց իր եղբայրների գանձով, Կղարջքում ձեռք բերեց Սխլուանի (Տանձուտ) գյուղը: Շավշեթում ձեռք բերեց Սխլուանի մեծ գյուղը՝ նրա ագարակ նաղվարեկով հանդերձ: Իսկ Զավախքում ձեռք բերեց Տոնթիո գյուղը: Կոլա (գավառում) ձեռք բերեց և շենացրեց Օրոտան (Որոտան) մեծ գյուղը՝ ագարակով հանդերձ: Իսկ Փանավար (լճի ափին) շենացրեց Մախարովանի գյուղը: Իսկ Սակոնթում (Սկվիրեթում) տիրեց և շենացրեց երկու գյուղ՝ Նաքալաքեվը և Բերդաձորը և շնորհեց սուրբ քաղաքամայր Մցխեթային՝ Սվետի Յիսովելուն:

Երկու տարի անց՝ քրոնիկոնի երկու հարյուր քառասունյոթերորդ տարվա (1027 թ.) օգոստոսի 16-ին, Թոեղք երկրում Մղինվարնի կամ Իծրոնի կոչվող վայրում, վախճանվեց Գեորգի թագավորը, առեցուն ամենայն առաքինությամբ, տակավին երիտասարդ հասակում, և նրա նախնիներից ոչ ոք նրան նման չէր քաջությամբ, երիտասարդությամբ, բարության, մարմնով և դեմքով, իմաստությամբ և պետությունը կառավարելու կատարյալ ունակությամբ: Եվ սգի ու տրտմության մեջ թողեց իր հայրենիքի ու թագավորության բոլոր հպատակներին: Բոլորը ողբում էին նրա բարությանը, երիտասարդությունը և բարեկազմ կերպարանքը: Տարան ու թաղեցին Քութաթիսի տաճարում:

Թողեց չորս զավակ՝ Բագրատ և Դեմետրե, և դուստրեր՝ Գուրանդուխտ և Կատա, իսկ նրա հինգերորդ զավակ Մարթան վախճանված էր: Մեծ թագավոր Գեորգիի մահանալուց հետո անմիջապես գահակալեց ինը տարեկան Բագրատը և տիրեց իր ողջ հայրենիքը ու թագավորությունը՝ Վերին և Ներքին երկրները:

Գեորգի թագավորի որդի՝ յրաց և ավխագաց հիսունհինգերորդ թագավոր Բագրատ Բագրատունին

Նույն ժամանակ Հունաստան գնացին տայեցի յազնաուրներ Կարիճի որդի Վաչեն ու Բանելի՝ եպիսկոպոս Իովանեն և նրանց հետ տայեցի բազմաթիվ ազնաուրներ: Իսկ Կոստանդին արքան (Բագրատի) վերադարձից մոտ մեկ տարի անց ուղարկեց պարկիմանոզին (սենեկապետին) մեծ զորքով հանդերձ, եկավ և ճամբար դրեց, ավերեց նույն երկրները, ինչ և Վասիլ արքան էր ավերել: Եկավ Թոեղք՝ Կղեկարիի բերդի մերձակայքը: Այդ ժամանակ (այդ ամրոցին) տիրում էր էրիսթավաց էրիսթավ լիպարիտի որդի՝ Կիպարիտը: Թողովեց (լիպարիտը) և այլ ազնաուրների, կանգ առան Գանձայում և կռվի բռնվեցին բերդի տակ: Պարկիմանոզը տեսնելով, որ ոչնչով չի կարող վնասել, հետ դարձավ: Այդ նույն ժամանակ Հունաստան գնաց Զանչախ Փալելին, հանձնեց Գարդլուքի բերդը՝ միանալով հույներին, իսկ Հոլուի որդի Արջեվանը հույներին տվեց Մերեփթի բերդը:

Մտքեվարի՝ եպիսկոպոս Սաբան տեսնելով, որ Շավշեթ պաշտպանելու այլ միջոց չկա, Տեթի Տուր բերդը կառուցեց, տիրեց Շավշեթ երկիրը, մեծ հավատարմությամբ ցուցաբերելով ավխագաց թագավոր Բագրատի հանդեպ: Աստծո ողորմածությամբ թշնամիները չկարողացան գրավել երկիրը: Քանզի այդ ժամանակ պարսիմանոզն ու պրոեղրոսն ուղարկեցին խարտու-

լար Իվանն Բանելուն, որն իր հետ բերեց Վալանգին մեծ զորքով ու նրան տվեց Սմրատի որդի Դեմետրե Կղարչեցուն¹⁰ երկրի մարդկանց խաբելու համար և այդ պատճառով սույն երկրի ռամիկներից բազում մարդ հարեց նրանց, էղրա Անշելին¹¹ պատսպարվեց նույն (Արտանուշի) բերդում, և ազնաուրներից հավատարիմները նույնպես պատսպարվեցին այդ բերդում և էլ ավելի ամրացան:

Իսկ Արտանուշի բերդին տիրում էր էրիսթավ Իովանն Աբուսերը, և այդ ժամանակ նշված երկրներում տեղի էին ունենում մարտեր ու գոտուկություններ, և երկուստեք բաղում ասպատակություններ: Եվ երբ մեծապես լակեռծվում էր այս երկիրը, դարձյալ աստված ողորմաց փխազաց և վրաց թագավոր Բագրատին: Մահացու հիվանդությամբ բռնվեց Կոստանդին արքան: Գրեց պարկիմանոզ պրոեդրոսին և հետ կանչեց: Իսկ նա իսկույն գնաց, սակայն մինչև նրա (Կոստանդնուպոլիս) հասնելը Կոստանդին արքան մահացավ: Մահանալուց առաջ գահին բազմեցրեց այլ արքայի՝ անվամբ Ռոմանոս¹², որին կնության տվեց իր դուստր Զոյային:

Գնաց կաթողիկոս-պատրիարք Մելքիսեդեկը Կոստանդնուպոլիս՝ հունաց արքա Ռոմանոսի մոտ: Ընդունեց և շնորհեց եկեղեցիների զարդեր, սրբապատկերներ ու խաչեր, վարդապետների և քահանաների զգեստներ, վերադարձավ իր երկիրը և իր թեմը:

Այնուհետև, երրորդ տարում, Մարիամ թագուհին՝ փխազաց թագավոր Բագրատի մայրը գնաց Հունաստան՝ հաշտություն և միասնություն հայցելու նպատակով: Եվ վերստին կյուրապաղատության (տիտղոսը) իր որդու համար խնդրելու, ինչպես նրանց տոհմի սովորությունն էր և իր որդի (Բագրատին) կին բերելու համար:

Այդ ժամանակ՝ Քրիստոսից հետո 1068 թ. դեռևս կար Մթածմինդելի թարգմանիչը, որն ուղեկցում էր Մարիամ թագուհուն:

Սակայն մենք դառնանք մեր սկզբնական խոսքին:

Եվ գնալով Հունաստան, ներկայացավ հունաց արքային, ու վերջինս ուրախությամբ կատարեց (նրա) բոլոր խնդրանքները. միասնության և սիրո ուխտ դրեց և երաշխիքներ տվեց, գրեց հրովարտակ՝ ոսկե կնիքով կնքված, շնորհեց կյուրապաղատության պատիվը և Հելենե թագուհուն կնության տվեց Բագրատին¹³:

Մարիամ թագուհին հասնելով իր որդու հայրենիքը՝ Տայոց աշխարհը, հանձնեց կյուրապաղատության պատիվը. կատարեցին հարսանյաց հանդեսը, Բախլում օծեցին թագը:

Փոքր-ինչ անց Քութաթիսում վախճանվեց Հելենի թագուհին, և Բագրատ թագավորը կնության առավ օսերի թագավորի դստերը, Դորդոլելու քրոջը՝ Բորենային:

Սրանից զատ, Գեորգի թագավորից մնացել էր ևս մի որդի, որը գտնվում էր Անակոփիայում, նրա երկրորդ կնոջ՝ օսերի թագավորի դստեր մոտ: Եվ ազնաուրների հրահրմամբ նրանց միջև տարաձայնություններ էին լինում: (Այդ որդին) մանկահասակ էր, Դեմետրե անվամբ: Չկարողացան գահ բարձրացնել, թեև ոմանք կամենում էին, և ո՛չ Բագրատ թագավորն ու իր մայրը, ո՛չ էլ սույն թագավորության թավաղներն ու դիդեբուլները չկարողացան համոզել նրան: Չհասնելով նպատակին, (Դեմետրեն) հեռացավ սույն թագավորությունից, Գիմեց հունաց արքային, նրան հանձնեց Անակոփիան: Եվ այդ ժամանակվանից ցարդ փխազաց թագավորները կորցրին Անակոփիան:

Այնուհետև սուրբ հոգևոր տեր կաթողիկոս-պատրիարք Մելքիսեդեկը Քարթլիում ձեռք բերեց Պալավրա վանքը չորս գյուղով և Ըուքիթը (Մուփեթը) իր եկամտով, Ղինցվիսը իր եկամտով և Շինդեբին (իր եկամտի) կեսով: Կուրբիթում (ձեռք բերեց) ազնաուրական քարերի գյուղը, Զոչեթում մի թաղամաս, վարելահող ու խաղողի արքունական այգի, Զեգանում Շիդար գյուղը, իսկ Կախեթում՝ Ախատան (գյուղում) մի թաղամաս և նոսրնայում ևս մի գյուղ, Հեբեթում մեծ ջանքերով՝ վանք (և) Լագոդեխը, նույն Հեբեթում Կատեխի եկեղեցին իր եկամտով, Կակում՝ տասներկու վաճառական, և Զիաթ մեծ գյուղը: Ահա այն բոլոր գյուղերը, որ նա ձեռք բերեց:

Եվ այն գյուղերը, որ նախկինում ուներ սուրբ Սվետի Յիսովելին՝ կաթողիկե եկեղեցին, ինչպես նաև այլ եկամուտները, նա ներկայացրեց Բագրատ կուրապաղատին և ստացան (հարկային) անձեռնմխելիություն: Եվ մաքաբաղաթում այս սուրբ վանքի ունեցած այլ եկամուտները՝ ոչխարներ, ձիեր, օրհնած գինի և այլն, (որ հետո) Ալի ամիրան (Տփղիսի) վերացրեց և բռնագրավեց այս սուրբ կաթողիկե եկեղեցուց: Եվ այն բոլոր գյուղերը, որ պատկանում էին սուրբ կաթողիկե եկեղեցուն, (Բագրատը) շենացրեց ու ամենուրեք տներ և եկեղեցիներ կառուցեց:

Եվ այնուհետև խորանից հարավ՝ սուրբ նահատակների մատուռում, շինեց իր շիրիմը և կանգնեցրեց զոհասեղան: Իր շիրիմի վրա պահապան նշանակեց իր սան Իոաննիս: Այս զոհասեղանը և պատարագատեղին սահմանեց, շնորհեց Թեմիում երեք շինական իրենց լրիվ երգահողով, խաղողի մեկ այգի, մեկ վարելահող, մեկ ջրաղաց, արոտավայր, և Օտաթլուանում՝ մեկ շինական, Յիսեղիղիում՝ մեկ շինական, երկուսն էլ լրիվ երգահողով և խաղողի մեկ այգի: Մցխեթայում (հանձնեց) մեկ սենյակ վանականի խուց, գոմ, արոտ, խաղողի այգի, այս ամենը շնորհեց կամովին անձեռնմխելիության (իրավունքով) և կարգեց ժառանգական հոգևոր ազապ (գիշերապատարագ) ու հիշատակում: Եվ վախճանվեց սուրբն այս, և ահավասիկ աստված հովանավորում է Օբրոպիրին (Ոսկեբերանին)՝ Մելքիսեղեկի դաստիարակած հոգևորդուն: Կաթողիկոս-պատրիարք դարձավ Օբրոպիրին, և սա նույնպես բազում ինչք ավելացրեց մեծ կաթողիկե առաքելական եկեղեցու (ունեցվածքին): Ամենասուրբ և կաթողիկե եկեղեցու արևմտյան անկյունի հարավային կողմում կառուցեց սրբատաշ քարից մատուռ՝ հույակապ սպիտակ քանդակներով զարդարված, և այլ եկամուտները, ինչ որ կար, ներկայացրեց Բագրատ կուրապաղատին ու Կյուրիկե թագավորի քրոջ որդուն՝ Կախեթի Գագիկ թագավորին և (նրանք) անձեռնմխելի հռչակեցին, տալով անձեռնմխելիության առհավատչյալ: Օբրոպիրի սուրբ կաթողիկոս-պատրիարքը բազում եկեղեցիներ շինեց և նորոգեց:

Եվ այնուհետև Բագրատը հզորացավ և տիրեց իր վերին և Ստորին հայրենիքին:

Եվ մեծ Փաղունը վատ ընթացք ուներ, ատում էր սույն թագավորության բոլոր գլխավորներին: Եվ երբ Բագրատը տակավին մանուկ էր, ժողովեցին սույն թագավորության զորքերը, Լիպարիտի և Աբազայի որդի Իվանեի հետ խոսքը մեկ արին, եկան մեծ Կյուրիկեն՝ ուսնների ու կախերի (Առանի և Կախեթի) թագավորը, հայոց արքա Դավիթը¹⁴ և Տփղիսի ամիրա Ջաֆարը¹⁵, քանզի սրանք բոլորը հավաքվել էին էկլեցի (գետափին)՝ Կյուրիկեի զորահրամանատարության մեջ Փաղունի դեմ արշավելու համար: Փաղունին փախուստի մատնեցին և դորք կոտորեցին, վերցրին ավար ու անհամար գանձ: Այդ ժամանակվանից մինչև մեռնելը շարունակում էր լցված Փաղունը:

Բագրատ թագավորի պատանեկության տարիներին Լիպարիտի որդի Լիպարիտը և Քարթլիի էրիսթավ Աբազայի որդի Իվանեն խաբելով Մուխամբ-գվերդիում գերեցին Տփղիսի ամիրա Ջաֆարին, բռնեցին և երկար ժամանակ կալանքի տակ պահեցին, խլելով նրանից Բիրթվիսի (ամրոցը): Գթաց ափ-խաղաց թագավորը և Տփղիսի ամիրայությունը թողեց (Ջաֆարին): Այդ ժամանակվանից թշնամություն մնաց Լիպարիտի և ամիրայի միջև:

Եվ սակավ ժամանակ անց Լիպարիտը խորհուրդ տվեց Բագրատին գրավել Տփղիսը¹⁶: Ափխազաց թագավորի զորքերը պաշարեցին Տփղիսը Կուրի այս կողմից, վերից և վարից, իսկ ջրից այն կողմ, Իսանիի կողմից մերձեցան հերթեցիները և կախեթցիները: Այդ ժամանակ ոմն օս ստրուկի կողմից սպանվեց կախեթցիների մեծ թագավոր Կյուրիկեն, քանի որ մարտի ընթացքում օսերի թագավոր Ուրդուրեին սպանել էր Կյուրիկե թագավորը: Եվ արյան վրեժխնդրությունից դրդված որսի ժամանակ օս ստրուկը սպանեց Կյուրիկե թագավորին՝ Փիդրագի լեռներում:

Այդ ժամանակ Կախեթում թագավորում էր Գագիկը¹⁷, որը Սամշվիլդեի և Զորագետի իշխող Դավիթ հայոց արքայի որդին և Կյուրիկեի քեռորդին էր:

և ևրկու տարի կովում էին Տփղիսի համար: Եվ այդ ժամանակ ամիրան էր Ալիի որդի Ջաֆարը: Եվ այնպես նեղը գցեցին տփղիսցիներին, որ մի լիտր¹⁸ ավանակի միսը հինգ հարյուր դրամով¹⁹ էին վաճառում և այլևս չկարողացան դիմանալ սովին ու հուժկու գրոհներին: Տփղիսցիները մտադրվեցին հանձնել Տփղիսը: Քաղաքի համար մղվող մարտերի ընթացքում ամիրազաց թագավորի զորքերը գրավեցին Օրբեթ և Փարցխիսի ամրոցները: Իսկ ամիրան մտադրվեց իր զորքով հանդերձ լաստեր և նավեր պատրաստելով գիշերով գնալ Գանձակ՝ Փաղունի որդի Լաշարիի մոտ²⁰: Եվ ամիրազաց թագավորի գիղեքունից ոմանք Լիպարիտից ծածուկ թագավորին խորհուրդ տվեցին չվտարել ամիրային ու Լիպարիտից գաղտնի դաշն կնքեցին ամիրայի հետ, կրկին հուլակեցին և հաստատեցին Տփղիսի ամիրա²¹: Ամիրազաց թագավորն իր կողմը գրավեց կախեթցիներին՝ Կյուրիկե թագավորի դեմ, նրա քեռորդի իշխան Աշոտ Մարիլելուն²² և խախիլա Գուրթային, Ջվարիս-Ցխիս-րերով հանդերձ: Եվ ամիրազաց թագավորը զորքով մտավ քաղաք և թշնամացավ կախեթցիներին: Եվ այդ ժամանակվանից Լիպարիտը թշնամությամբ լցվեց իր տիրոջ հանդեպ:

Ամիրազաց թագավորը արշավեց Կախեթ, ճակատամարտ տվեց Միքել-գաբրիելի լեռան վրա և մարտի ժամանակ բռնեց Պանկիսի էրիսթավ Ստեփանոսին՝ Վարչանի որդուն, ապա խորնաբուլցի էրիսթավ Վաչին՝ Գուրգեն Երեցի որդուն, ապա Շտորի էրիսթավ Ջեղիին՝ Գողերձիի և Մաճելի (Կախ-կոպոսի) քեռորդուն: Անցավ Թոնդը և հրի մատնեց Բողոջի հուլակավոր պալատը, որը կառուցել էր մեծ թագավոր Կյուրիկեն: Եվ այսպես աղերսանքով էրիսթավները հանձնում էին իրենց բերդերը, սակայն (Բագրատը) չկարողացավ անցնել Կախեթ, այլ հետ դարձավ, քանի որ Լիպարիտը սկսել էր դաժներ նյութել:

Սակավ ժամանակ անց Լիպարիտը բերեց Բագրատի եղբորը՝ Դեմետրիին՝ Հունաստանից հունաց թագավորի զորքով: Եվ այլք ևս՝ գիղեքունից ու ազնաուրներից ոմանք միացան (նրանց), շրջանցելով Վերին աշխարհը (Վրաց) անցան Քարթլի, մոտեցան Ատենին, տեղ-տեղ հրո ճարակ դարձնելով Քարթլին:

Եվ Լիպարիտին հարեցին կախեթցիներն ու հուլները, սակայն չկարողացան գրավել Ատենը, որովհետև բերդատերերը հույժ հավատարիմ էին Բագրատին, բացի Փարսման Թմուզվելուց ու Թուխարիսի էրիսթավ Բեշթեն Ջազելուց: Անցնելով Ջավախք, սկսեցին Ախալքալաքի պարիսպների կառուցումը, քանի որ այդ ժամանակ այն պարիսպ չուներ: Ձմեռնամուտ էր: Հուլները կամեցան հայրենիք գնալ, Լիպարիտը հաշտվեց ամիրազաց թագավորի հետ, որը նրան շնորհեց Քարթլիի էրիսթավությունը: Հուլները վերադարձան Հունաստան, իրենց հետ տանելով Դեմետրիին:

Եվ վերստին հզորացավ ու երջանկացավ Բագրատ թագավորը իր հայրենիքում: Եվ բախտը Բագրատին ժպտաց, Վեստը (Սարգիսը)²³ միացավ նրան Անիի ինը բերդերով հանդերձ, բացի Ամբերդից: Եվ անեցիները տվեցին Անին Բագրատի մորը, քանի որ նրա հոր կողմից հայերը թագուհուն ազգակից էին: Թագուհի Մարիամը՝ Բագրատի մայրը, հայոց արքա Սենեքերիմի դուստրն էր²⁴:

Գարուն էր: Բագրատը ամիրազաց երկրում էր գտնվում, պաշարեց Անա-կոփիան և գրեթե գրավելու վրա էր: Եվ եկան Տփղիսի երեցները, քանի որ այդ ժամանակվանից առաջ մեռել էր Տփղիսի ամիրա Ջաֆարը: Խոստացան (հանձնել) քաղաքը, կոչելով անհապաղ գալ: Բագրատը հետ դարձավ, Անա-կոփայի պաշարումը (հանձնելով) Քվաբուլելի Ճաճայի որդի Օթաղոյին՝ ամիրազաց զորքով հանդերձ: Շարժվեց և եկավ Քուլթաթիս, հավաքեց Քուլթաթիսի Սամոքալաքո մարզի զորքը, Գուրիայի և Լոմսիանիի ազնաուրներին բերեց խուփաթ. կանգնեցրին քարանետ գործիքները և սկսեցին գրոհել: Ապա թագավորը շարժվեց և եկավ Քարթլի, եկան նաև Տփղիսի այլ երեցները՝ նրան հրավիրողները:

Գնաց Տփղիս, և դիմավորեցին (նրան) Դիդոմի դաշտում քաղաքի երեցները, արքունի ծառաները և ձիավորները, իսկ Ումեդեուլի (թաղամասում)

դաս-դաս շարված հետիոտն ողջ ժողովուրդը, և բազում կանայք ու տղամարդիկ կային հրապարակում: Երկուստեք հնչում էին փողերը և թմբուկները, որոնց (ժխորից), ահավոր ձայներից երկիրն էր ցնցվում, և երկուստեք սքանչելի ուրախություն էր տիրում: Ներս առան թագավորին և շրջագայեցին քաղաքում, տեղալով նրա վրա դրամ ու դահեկան, մատուցեցին քաղաքի բանալիները, և տարան ամիրայի պալատ: Բագրատ թագավորը բազմելով (այնտեղ), սկսեց իշխել: Տեղավորեց իր մարդկանց քաղաքի դարպասների ռոլոր աշտարակներում, գրավեց քաղաքի Դարիչելի բերդը, ապա Մղաղլիների երկու աշտարակները և Թաբորի ամրոցը, տեղավորելով այնտեղ իր զորքերն ու էրիսթավներին: Իսկ իսանցիները խորտակեցին կամուրջը և չհանձնեցին իսանին: Կանգնեցրին քարանետ գործիքներ և սկսեցին գրոհել իսանի վրա, արձակելով նետեր: Իսանի դաշտ՝ Բագրատ թագավորի առաջ ներկայացան Կախեթի թագավոր Գագիկը և էրիսթավաց-էրիսթավ Գողերձին, ինչպես և Կախեթի ողջ զիզերույները՝ բանակցելու և հաշտություն հայցելու նպատակով: Այնժամ իսանի դաշտ ելավ Բագրատ թագավորը, կախեթցիներին բերեց՝ ընդունելով նրանց հպատակության խոստումը, շնորհեց խաղաղություն և ազատ արձակեց: Ուրախություն և խաղաղություն էր տիրում, ու օրըստօրե ավելանում էին կառավարելու հոգսերը:

Եվ այդ ընթացքում անցան ամռան օրերը, դարձյալ սկսեց լիպարիտը չարագործություններ նրանց դեմ: Եվ խարեություն մար Անիից՝ թագուհու մոտից տարավ Արտանուշի էրիսթավ Խիխիթի, Յիխս-ջվարի և Աժդուրի բերդի տեր Աբուսերին, ինչպես և Իվանե էրիսթավին, Իվանե Դադիանին, Գվարամին՝ Գողերձի որդուն՝ Բեճի բերդի տիրոջը, որոնց կալանավորեց Անիի դարպասի մոտ: Թագավորը, թողնելով Տփղիսը, անցավ Զավախք:

Այնուհետև Մածղվերելը դուրս բերեց մեծերին Բագրատի գանձերով՝ ի սատարումն թագավորի: Թագավորը Ղրտիսլում էր: Իսկ լիպարիտը ժողովեց կախեթցիներին և պաշարեց Փոկանի (դյուզը): Մածղվերելը լքեց Բագրատ թագավորին և միաբանեց լիպարիտի հետ: Հենց որ այդ իմացավ թագավորը, ձմռան սոսկալի բուքին անցավ Շավշեթը և իջավ Քարթլի:

Եվ լիպարիտը նորից Հունաստանից բերեց Դեմետրեին՝ Բագրատ թագավորի եղբորը: Հունաց արքայի գանձերը և զորքը զորավիգ էին: Եվ սույն թագավորության հպատակները պառակտվեցին. ոմանք Դեմետրեին հարեցին, իսկ ոմանք շարունակեցին հավատարիմ մնալ Բագրատին: Իսկ լիպարիտի որդի Իվանեն որպես պատանդ մնաց Բագրատի մոտ, (լիպարիտը) խնդրեց Բագրատին նրան տալ իրեն և դրա փոխարեն Աբուսերին ազատ արձակեց իր բերդով հանդերձ: Լիպարիտի դաշնակիցներն էին կախեթցիներն իրենց զորքով և հայոց արքա Դավիթն իր զորքով²⁵: Հզորացավ նա (լիպարիտը) նրանց ուժով Քարթլիի այս կողմում: Եվ երկուստեք շարունակվում էին բանասարկությունները:

Եվ եկան վարանգները երեք հազար հոգով, որոնց (թագավորը) նախեցրեց Բաշում, իր հետ տարավ յոթ հարյուր մարդ: Եկավ Բագրատը Դեբրքին Քարթլիի զորքով: Այս վարանգները մեսխերին չսպասելով՝ գնացին և ընդհարվեցին Սասիրեթի անտառի մերձակայքում: Ներքին (Քարթլիի) զորքը փախավ: Եվ այս մարտում բռնեցին Աբուսերին ու նրա հետ այլ զիզերույներ: չկարողացան մարտում դիմակայել վարանգներին: Տվեց լիպարիտը (վարանգներին) վարձը և նրանց աղ ու հացով դիմավորեցին ու այդպես անցան Լիխի (լեռները):

Եվ նախքան այդ մահացել էր Բագրատի եղբայր Դեմետրեն: Փախուստից հետո Բագրատը երկյուղ էր կրում իր թագավորության և հայրենիքի պառակտումից: Եվ խնդրեց լիպարիտին, սակավաթիվ հեծյալներով գնաց Խովլե՝ լիպարիտի մոտ: Եվ իմանալով նրա գալստյան մասին, լիպարիտը չկամեցավ հանդիպել նրան, խույս տվեց այնտեղից, թագավորը ևս հետ դարձավ ու մեկնեց Ափխազաց երկիր:

Եվ փոքր-ինչ ժամանակ անց Կալմախի էրիսթավ Սուլան և Արտանուշի էրիսթավ Գրիգորը դաշնակից դարձան, իրենց միացնելով մեսխ այլ ազնաուրների, կանչեցին Բագրատ թագավորին: Եվ շարժվելով զորքով,

(Բագրատն) անցավ Ռկինիսջվարիի²⁶ ճանապարհը. գումարվեցին Արդիս-ցիխ բերդում: Իմանալով այդ, Լիպարիտը ժողովեց իր զորքը, կանչեց կախեթցիներին ու հայերին. հույները ևս իր հետ էին: Անակնկալ մոտեցավ Արդիս-ցիխ բերդին և բախվեցին: Դարձյալ հաղթեց Լիպարիտը, փախուստի մատնելով թագավորին, իսկ էրիսթավ Սուլային բռնեցին և բազում կտտանքով ու ցից նստեցնելով պահանջեցին Կալմախը, սակայն նա հրաժարվեց տալ: Նույն մարտում բռնեցին նաև Աբուսերի որդի Գրիգորին և պահանջեցին Արտանուշը, մահվան սպառնալիքով, որը և տվեց այն: Հզորացավ Լիպարիտը վերին երկրում և գրավեց բերդերը, միացնելով գլխավոր մարդկանց, սահմանը շրջանցելով գնաց Լիպարիտը նույն զորքով Դվին և կովի բռնվեց Դվինի (տիրոջ) հետ հօգուտ հունաց արքայի, ապա հետ դարձավ իր երկիրը: Իսկ նրա վերադարձից մեկ տարի անց Բասեն երկրում երևացին սուլթան Բարահիմ-Նուրիանի (Իբրահիմ բեն իյնալի)²⁷ թուրքերը: Ապա ելավ հունաց զորքը և կանչեցին Լիպարիտին: Լիպարիտը գնաց օգնելու հույներին ողջ զորքով, սրա (Բասեն երկրի) վերին կողմերում: Բախվեցին Որդորու և Ուկու-մի (գյուղերից) ներքև, և թուրքերը փախուստի մատնեցին Հունաստանի ու Լիպարիտի ողջ զորքը: Մեծ շարդ տեղի ունեցավ, բռնեցին Լիպարիտին և տարան խորասան՝ սուլթանի մոտ: Սույն թագավորության դիդեբուլները և Լիպարիտի որդիներ իվանեն և Նիանիան փնտրում էին անվտանգության (երաշխիք) և (Բագրատին) ճանաչեցին իրենց թագավորը: Ապա վերստին հզորացավ և իրեն ենթարկեց Լիպարիտի որդիներին, գրավեց Ուփլիսցիխեն և ազատ արձակեց իվանեն:

Եվ թուրքերը հաստատվել էին Գանձակի երկրում, մոտեցան Գանձակը գրավելու և ոչինչ չէր խանգարում նրանց: Հունաց արքան իր փոխարեն ուղարկեց լիկտորին (հեծելազորի հրամանատարին) մեծ զորքով. կանչեցին Բագրատին իր ողջ զորքով, իրենց հետ տարան: Հարձակվելով թուրքերի վրա, հասան Գանձակի դարպասին. թուրքերը խուսափեցին (մարտից) և թողնելով Գանձակի երկիրը՝ վերադարձան խաղաղությանը: Այնուհետև դարձյալ կոչեցին տփղիսցիները և հանձնեցին Բագրատին Տփղիսը, ներս տարան (քաղաք): Եվ մեծ ուրախություն ու խաղաղություն էր տիրում:

Սրանից հետո թուրքերն ազատ արձակեցին Լիպարիտին, և նա անցավ Անի: Բագրատը թողեց Տփղիսը Լիպարիտի պատճառով և անցնելով Քարթլին, մտավ Զավախք: Հզորացավ Լիպարիտը, քանզի հունաց արքային ծառայելու Գանձակի դարպասին. Հունաստան: Հունաց արքան ընդունեց նրան, զորք տվեց: Եվ Բագրատը չկարողացավ դիմակայել:

Մինչ այդ Բագրատը արդեն ունեցել էր Գեորգի անվամբ որդի, որին Քութաթիսում շնորհեց Ափխազաց թագավորությունը, իսկ (ինքը) մեկնեց Հունաստան: Այդ ժամանակ հունաց արքան էր Կոստանդին Մոնոմախը, իսկ (հետո)՝ Միքայելը: Եվ Լիպարիտի կամքով Բագրատն իսկույն ևեթ չկարողացավ հետ դառնալ իր հայրենիքը և այնտեղ մնաց երեք տարի՝ հույժ մեծաբանքով և պատվով:

Այդ ժամանակ արդեն մեր սուրբ հայր Գեորգի Մթածմինդելին եկել էր Մթածմինդայից տեսության և խնդրանքով Կոստանդին Մոնոմախի մոտ: Իսկ նա լսելով, որ Բագրատ թագավորը և նրա մայր թագուհի Մարիամը ժամանել են Կոստանդնուպոլիս, գնաց նրանց հանդիպելու: Տեսնելով (նրան) թագավորը և թագուհին, ինչպես և բոլոր երեկելի մեծամեծերը անշափ ուրախացան, քանի որ լսել էին, որ նա այդ աստվածապահ քաղաքի (քնակիչ) էր: Եվ ընդունելով նրա սուրբ օրհնությունն ու շնորհը, հոգևոր մեծ գանձերի արժանացան, փառաբանեցին աստծուն:

Այնուհետև Մարիամ թագուհին՝ Բագրատ թագավորի մայրը, դարձավ նրա սանուհին և օրհնություն ընդունեց նրանից՝ (միանձնուհու) սքեմով հանդերձ: Իսկ Կոստանդնուպոլիս քաղաքում էին գտնվում սամարացիների ցեղից՝ Սիմեոն մոզի տոհմից, ոմանք և վայրի գազանների միջոցով զարմանահրաշ կերպով գուշակություններ էին կատարում: Բայց ահա Գեորգին խաչակնքեց և խափանեց նրանց զորությունը: Տեսնելով այս վանականի հրա-

շագործությունը, թագավորն ու մեծամեծերը լցվեցին բերկրանքով և այգ մասին պատմեցին Կոստանդին Մոնոմախին:

Այնուհետև, երբ Բագրատ թագավորը տեսավ նրա նյանօրինակ սուրբ և արժանապատիվ առաքինությունը, մարմնականը՝ աղթահարած՝ նրա վարքը և հրաշքը, մեծապես սիրեց որպես աստծո հրեշտակի, և միջոցներ էր որոնում, որպեսզի նրան տանի իր հայրենիքը: Եվ նրան շնորհեց Ճզոնդիգի տաճարի քահանայապետությունը, որտեղ Բագրատն իր հանգստարանն էր կառուցել և որտեղ հանգչում էին բազում սուրբ նահատակներ: Այս սուրբ վանականը ո՛չ ընդունեց և ո՛չ էլ համաձայնեց, քանի որ ըստ ամենայնի խուսափում էր մարդկային փառքից և երկրային ունայնությունից, գերադասելով հեզությունը: Եվ այսպես մի քանի տարի մնաց Թագավորանիստ քաղաքում:

Սակայն դառնանք մեր սկզբնական խոսքին:

Երբ Բագրատը տակավին գտնվում էր Հունաստանում, Լիպարիտը խրնդրեց նրա մոր և այգ երկրի դիդերբուլների համաձայնությունը Բագրատի որդի Գեորգիին թագավոր օծելու համար: Բերեցին (Գեորգիին) Ռուխի տաճար և օծեցին թագավոր: Լիպարիտին դարձրին սրա դաստիարակը, իսկ Բագրատի քույր Գուրանդուխտ թագուհուն՝ խնամակալ, որը դեմքով, իմաստությամբ, առատաձեռնությամբ, աստվածապաշտությամբ և ամենայն առաքինությամբ կատարյալ ու անզուգական անձնավորություն էր: Մակավ ժամանակ անց Գուրանդուխտը հունաց արքայից խնդրեց վերադարձնել Բագրատին և հունաց արքան ճանապարհեց (նրան) մեծ փառքով, նվերներով ու անհամար գանձերով: Մովսիսին՝ խուսափում, ընդառաջ ելան (Բագրատին) Ափսազաց երկրի բովանդակ զորքերը: Եվ եղավ ցնծություն ու տվեցին աստծուն (մեծ) փառք, (իսկ նա) ժամանեց ու բարեհաճեց մտնել իր տունը՝ Քութաթիսի պալատը:

Իսկ ողջ Վերին երկրին տիրում էր Լիպարիտը, որի դաշնակիցն էին խորասանում սուլթան Դողուբեկը և Հունաստանում՝ հունաց արքան: (Լիպարիտը) խնամակալում էր Բագրատի որդի մանուկ Գեորգիին, որպես թագավորի: Իսկ Բագրատը տիրում էր Լիխից ներքև գտնվող երկրներին:

Մի որոշ ժամանակ անց սրա (Բագրատի) թագավորության դիդերբուլները (դժգոհեցին) Լիպարիտի իշխանությունից: Սուլա Կալմախելին և բոլոր մեսիները փախան Լիպարիտից և Դլիվում կալանավորեցին Լիպարիտին ու նրա որդի Իվանին, իսկ Նիանիան փախավ ու գնաց դեպի Կլեկարի, սակայն իր հոր բերդապահները ներս չթողեցին նրան և նա անցավ Անի՝ հուլների մոտ: Իսկ Սուլան կալանելով Լիպարիտին և Իվանին տարավ Կալմախ: Եվ Սուլան իսկույն ավետաբեր սուրհանդակներ ուղարկեց թագավորին: Իսկ Գուրանդուխտը և Բագրատի որդի Գեորգին Ղրտիլայում էին, լսելով Լիպարիտի կալանավորումը, որին տարան Ախալքալաք և այնտեղ Բագրատին սպասում էին բերկրալի լուրով հանդերձ: Եկավ Բագրատը և ի ատուցումն սրա ծառայության, թագավորը Սուլային որպես հայրենիք շնորհեց Ցիխիս-շվարին ու Օձրխեն Բողո-Կլեկարի հանդերձ, ինչպես նաև այլ բազում ինչք ու եկեղեցական (իրեր) և այլն, ինչ կամեցավ:

Եկավ Սուլան Ջավախք՝ թագավորի մոտ, բերելով կալանավորված Լիպարիտին և Իվանին ու հայտնեց, որ Լիպարիտյաններից խել է Արտանուշ, Ղվելի, Ուխլիսցիխեն և Բիրթվիս բերդերը: Իսկ Կլեկարին հաստատապես պահում են բերդապահները, քանի որ այնտեղ է գտնվում Անամորը՝ Լիպարիտի մծիգնորարթությունը (դպրապետը): Տարան Թոնդը, նրանց խրնդրանքով բերդականները չհանձնեցին Կլեկարին, գերանները ցցեցին և դրանց կապեցին Լիպարիտին և Իվանին՝ մահվան մատնելու: Մի քանի օր անց Լիպարիտի բերդապահները թագավորի ու նրա թագավորության դիդերբուլների հետ պայմանավորվեցին Լիպարիտին և Իվանին անվնաս ազատ արձակելու մասին: Հանձնեցին Կլեկարին, դուրս բերեց Լիպարիտը իր խոստովան (ունեցվածքը) և վանական ձեռնադրվեց ու իր որդի Իվանին հանձնեց թագավորին: Արգվեթ տիրույթը մնաց Իվանին: Երդվեց թագավորին:

լիպարիտը, որ այլևս չի գավի և ազատ արձակեցին ու գնաց (հունաց) թագավորություն:

Եվ փոքր-ինչ անց փախուստի դիմելով՝ Հունաստան գնաց Իվանեն և այնտեղ մնաց մի քանի տարի: Իսկ Նիանիան մահացավ Անիում՝ հունաց ծառայության մեջ, և Իվանեի համար նրա հայրը միջնորդեց Բագրատի առջև:

Եվ ինքը Բագրատը ևս (Իվանենին) կանչեց ու բերեց իր թագավորությունը և հայրենիք պարգևեց Արգվեթում ու Քարթլիում, և (Իվանենին) հավատարմորեն ծառայում էր: (Իվանենին) սույն թագավորության իշխանաց իշխան էր և սպասալուր (թագավորի) շնորհով: Իսկ լիպարիտը վախճանվեց Հունաստանում՝ թագավորանիստ Կոստանդնուպոլիս քաղաքում, և նրա հավատարիմները և ծառաները մեծ փառքով բերեցին ու թաղեցին Կացխիում՝ նրա նախնիների գերեզմանատանը:

Եվ զորացավ ու առավել հզորացավ Բագրատը, քան սույն երկրի որևէ թագավոր: Եվ սա գրավեց Հերեթի և Կախեթի բոլոր բերդերը, բացի Կվե-տարթի և Նախճավան բերդերից: Ապա տեղի ունեցան մեծ անցքեր և խառնաշփոթություններ մեծ թագավորների միջև:

Սրա (Բագրատի) թագավորության, ժամանակ երևաց սուլթան Արսի-սարանը՝⁸ Պարսկաստանի թագավորը, ասպատակելու նպատակով²⁹: Սա անակնկալ եկավ և ավերեց Կանգարքն ու Թոեղքը, և մի օր այս ասպատակողը հասավ Ղվելիի մատույցները, անցավ Շավշքը, Կղարջքը և Տայքը, հասնելով մինչև Փանասկերտ: Եվ նույն օրն իջան Թոր և Ղվիվիս խեղճի և ինքը (սուլթանը) երեք օր մնաց Թոեղքում:

Քանի որ այդ ժամանակ Տայք էր եկել թագավորը, նրա հետ էին նաև մայրը, քույրը՝ և իր որդի Գեորգին. իջևանել էին խեղճերու թա (վայրում): Իսկ էրբ նրանք ուզում էին գնալ, հարձակվեց սուլթանի զորքը, հասան և կանգ առան լեռնաշղթայի վրա: Իսկ նրանք (թուրք-սելջուկները) իջան Քարթլի, անցան Զավախք, պաշարեցին Ախալքալաքը, քանի որ մեսխ ազնաուրները և Վերին (Քարթլիի) կողմից եկածներն ամուր պատսպարվել էին Ախալքալաքում, մարտնչեցին (ընդամենը) երեք օր, որովհետև ամուր պարսպով լրիվ չէր պատված Ախալքալաքը: Չկարողանալով դիմակայել հուժկու դուռլթին, քաղաքաբնակները զինվեցին, բացեցին դարպասները և կատաղի մարտնչեցին և շատերը սրից ընկան: Եվ թուրքերը ներխուժեցին քաղաք ու գերեցին անհամար քրիստոնյաների, վերցրին բազում գանձ ու գերի և Ախալքալաքի գետն արյունով ներկվեց:

Եվ բանազնացներ ուղարկեց սուլթանը Բագրատ թագավորի մոտ, պարտադրեց խնամիանալ, պահանջելով (նրա) քրոջ դստերը կնություն: Եվ դիմեց սուլթան (Ալի-Արսլանը) դեպի Անի, գրավեց ու ավերեց Անին, կոտորեց և գերեզմարեց անհամար մարդ, ապա գնաց իր երկիրը՝ Պարսկաստան: (Նա) Անին խլեց հույներից և շնորհեց Աբուսուվարի որդի Մանուկին:

Իսկ Բագրատի քրոջ դուստրը, որին սուլթանը պահանջում էր (կնություն), հայոց Կյուրիկե³⁰ թագավորի եղբոր դուստրն էր: Խնդրեց Բագրատը նրան, բայց հայոց թագավորը չտվեց: (Ապա) Բագրատը բանազնաց ուղարկեց ազդեցիկ էրիսթավ վարազ-Բակուր Գամրեկելուն: (Բագրատը) հայոց թագավորի մարդկանց ևս իր կողմը գրավեց և Սամշվիլդե մտնող հայոց Կյուրիկե թագավորին ու նրա եղբայր Սմբատին կալանավորեցին Քվեշի անտառում և հայտնեցին Բագրատին: Եվ շտապ ելավ Քվախուրեխից. կալանավորվածներին բերեցին Կղեկարիի մատույցները: Պահանջեց Սամշվիլդեն, սակայն (հայերը) չտվեցին այն, քանի որ նրանց (Կյուրիկեի և Սմբատի) մի այլ եղբայր՝ Ատրնեբսեհը, պատսպարվել էր Սամշվիլդում: Իսկ (Կյուրիկեն և Սմբատին) տարան Սամշվիլդե և սարքեցին խաչափայտեր և հայոց Կյուրիկե թագավորին երեք օր կախված թողեցին: (Հայերը) խաղաղություն խնդրեցին և տվեցին Սամշվիլդեն: Ապա եկել էին հայոց թագավորի երկու իշխանները՝ Լուկիայի (Լոթի) իշխանը և Կաթավաքարինը: Կյուրիկեի եղբայր Սմբատն առաջարկում էր ու համաձայն էր հանձնել երեք բերդ՝ Օփրեթը, Կոշկը և Վարաղաքը: Իսկ Բագրատ թագավորը խղճաց նրանց.

վերադարձրեց, ազատելով բոլոր բերդերը, Սամշվիլիդեից զատ, և շթողեց Սամշվիլիդեում այլ բերդատեր մեծամեծների, իսկ Սամշվիլիդեն գրավեց հարքունիս և այդպես էլ հպատակվեցին հայերը³¹։

Այն ժամանակ, երբ Թեոդորա թագուհին տիրում էր հունաց թագավորությանը, Բագրատ թագավորից խնդրեց տալ նրա դուստր Մարթային (Մարիամին)՝ դաստիարակելու համար։ Իսկ Բագրատ թագավորը մեծ բերկրանքով ուղարկեց իր դուստր Մարթային՝ շքախմբի մարդկանցով հանդերձ։

Իսկ այդ օրերին, աստծո կամքով, վախճանվեց Թեոդորա թագուհին և այդ նույն ժամանակ Մարիամ թագուհին՝ Բագրատի մայրն այնտեղ էր գտնվում, այնտեղ էր նաև մեր սուրբ հայր Գեորգի Մթածմինդելին ինչ-որ պատճառով։ Ինչպես ասացինք, հենց որ մահացավ Թեոդորա թագուհին, իսկույն Մարթային, Բագրատի դստերը, բերին թագավորելու և երբ այս սուրբը տեսավ Մարթային, ի լուր բոլորի կանխագուշակեց, ասելով հետևյալը. «Ի գիտութուն բոլորիդ, ինչպես այսօր թագուհին հեռացավ, այնպես էլ թագուհին մուտք գործեց»։ Ապա (Մարթան) սակավ-ինչ մնաց (այնտեղ), և դարձյալ տարան Մարթային։ Իսկ երբ ժամանակը եկավ, վերստին Տուկիժը պահանջեց (նրան) և որպես իր հարս՝ տարավ թագավորանիստ քաղաքը։ Տեսնելով, որ իրականացավ (Գեորգիի մարգարությունը)՝ զարմացան բոլորը և փառք տվին աստծուն։ Այդպես էլ Մարիամ թագուհին ասաց սուրբ Գեորգիին, երբ վերջինս գտնվում էր Արևելքում, հետևյալը. «Հայր իմ, իրականացավ քո մարգարեությունը, այն, ինչ երբեմն կանխագուշակել էիր Մարթայի մասին»։

Իսկ Բագրատ մեծ թագավորն ամուսնացրեց իր դուստր Մարթային՝ կնության տալով հունաց արքային։

Այնուհետև Մարիամ թագուհին՝ Բագրատ թագավորի մայրը, թագավորանիստ քաղաքից մեկնեց Անտիոք քաղաքը, քանի որ կամենում էր գնալ սուրբ քաղաք Երուսաղեմ՝ աղոթելու և երկրպագելու սրբերին ու կենարար վայրերը, ունեի իր հետ արքայական հրամանագիր քաղաքապետին և Անտիոքի պատրիարքին, ուղղված, որպեսզի ըստ ամենայնի փառքով և պատվով ճանապարհեն։ Իսկ պատրիարքը և կուսակալը խորհեցին և որոշեցին, հայր Գեորգիի խորհրդով. «Բարվոք չէ, որ Արևելից թագավորաց մայրը գնա սարակինոսների երկիրը, քանզի վասն մեղաց մեծոց նրանք են տիրում այդ երկրին»։ Եվ այսպես իր ուսուցիչ Գեորգիի շուրջը հայտնեցին թագուհուն ու գնալուց հետ պահեցին։ Սակայն նա քննեց տրամեց, այնուամենայնիվ, աստծո կամքին չհակադրվեց։ Այնժամ աղերսեց սուրբ վանական Գեորգի Մթածմինդելուն, որպեսզի ողորմա իր հոգուն, ինչպես և ցարդ ողորմացել է, և հոգա իր կյանքի համար, քանի որ ինքն արժանի չեղավ գտնվել և երկրպագել սուրբ վայրերում, իսկ այն հարստությունը, որ նա պատրաստել էր ճանապարհորդության համար, թող նա (Գեորգին) տանի Երուսաղեմ, բաժանի այդ սուրբ քաղաքի աղքատներին ու տնանկներին և այն սուրբ վանքերին, որ դրա մոտակայքում են։

Իսկ այնուհետև ամուսնացրեց իր քրոջ դստերը՝ կնության տալով պարսից արքա սուլթանին։ Ապա երեք տարի անց ելավ սուլթանը, ասպատակեց Ռանը (Առանը) և անակնկալ ներխուժեց Հերեթ³²։ Եվ այդ երկրի դիպեքուլները ղինակից ու հավատարիմ էին Բագրատին։ Եվ այդ ժամանակ Կախեթի սակավազոր թագավորության թագավորն էր Աղսարթանը³³։ Գազիկի որդին։ Եվ բոլորը լքելով իրենց բերդերը, փախան Կովկասյան լեռներ։ Բագրատն արշավել էր Կախեթը նվաճելու և նրա զորքը առաջ էր ուղարկվել Վեժինի էրիսթավ Միրթվալելու մոտ։ Հետ դարձան խաղաղությանը, պաշտեցին սուլթանի գալու և բերդերը լքելու մասին։ (Բագրատը) վերադարձավ շտապ, եկավ իր երկիրը՝ Քարթլի։

Իսկ Աղսարթանը միացավ սուլթանին։ Շնորհեց (նրան) մեծ նվերներ, հավատափոխ եղավ, թլպատվեց, խոստացավ խարաջ, և սուլթանը Կովկասյան բոլոր լքված բերդերը նրան. և Կախազաց թագավորի հպատակների լքած բերդերն ու Աղսարթանի բուն (հպատակների) լքած բերդերը բոլորը տվեց։ Եվ երեք շաբաթ անց արշավեց Կախազաց թագավորի դեմ։ Նրան միացան

հայոց թագավոր Կյուրիկեն, Տփղիսի ամիրան և Աղսարթանը, (որոնք) ներխուժեցին Քարթլի Ջաճվիթի կողմից³⁴։ լուսաբացին (նրանք) ասպատակողներ արձակեցին, և սգով լցվեց ողջ Քարթլին, դեկտեմբերի տասին՝ երեքշաբթի օրը, իսկ տարին էր քրոնիկոնի երկու հարյուր ութսունութ թվականը (1068 թ.)։

Եվ Քարթլիում հույժ շատ հաց ու գինի կար։ (Սուլթանը) մնաց վեց շաբաթ, ապա սկսեց ավերել և մարդկանց կոտորել։ Նրա հրոսակներն անցան Արզվեթ։ Հասան ե ասպատակեցին մինչև Սվերի բերդը։ Եվ անհամար քրիստոնյաներ կոտորվեցին ու գերեվարվեցին։ Քարթլի երկիրը եղկելի մի տեսարանի էր վերածվել։ ավերվեցին բոլոր եկեղեցիները և դիերի բազմությունից գետինը շէր երևում և ի հատուցումն մեր մեղքերի, աստծո զայլույթը վերեից երկինքն էր վկայում, և արյուն տեղացող ամպը արևելքից ծածկեց Քարթլի (երկնակամարը), ցերեկվա լույսն էլ խավար գիշեր դարձավ։ Տեսարանն այդ զարհուրելի էր ու սահմակեցուցիչ, և տեղ-տեղ արյան անձրե տեսան մարդիկ։ Եվ եղավ սաստիկ ձմեռ, փախած ու լեռներում ապաստանածներն էլ կոտորվեցին ձմռան դաժանությունից։ Իսկ ողջ Քարթլիում զորքը հաստատվեց, իսկ ինքը՝ սուլթանը, գտնվում էր Կարբիում, հետո անցավ Շերթուլթա, ծանր ձմեռն ու դաժան բքերը նեղում էին նրանց։

Լիպարիտի որդի Իվանին Բագրատ թագավորը դեսպան ուղարկեց՝ խաղաղություն հայցելու համար։ Իսկ նրան (սուլթանը) հետ ուղարկեց Ափխազաց երկիր՝ Բագրատի մոտ և խարաջ պահանջելով՝ խաղաղություն խոստացավ։ Սակայն ձմռան դաժանությանը չդիմանալով՝ հետ վերադարձող սուլթանը գնաց Քարթլի, գրավեց Տփղիսը և Ռուսթավը, (դրանք) շնորհեց Փաղունին՝ Գանձակի տիրողին։ Եվ ոչ թե մեր թագավորների հանդեպ ունեցած թշնամության համար ոչնչացրեց այս թագավորության (քաղաքները)՝ Տփղիսն ու Ռուսթավը, և ոչ էլ նրա համար, որ այդ ամիրաները երեսպաշտոնքն ծառայում էին նրա արքունիքում, այլ բարու և ծառայության դիմաց չաքոթյուն էին անում յուրաքանչյուրին, քանզի նրանք ապավինում էին իրենց անհավատության ուժին և ամենից առաջ վայրագ էին։ Քարթլին ավերելու ժամանակ նրա (սուլթանի) զորքերի թիվը հասնում էր հինգ հարյուր հազարի։

Սուլթանը գնաց իր երկիրը։ Եվ երբ գարուն եկավ, խիստ հորդացան գետերը ու Կուրը դուրս ելավ իր ափերից, տարածվեց դաշտերով մեկ, քչեց տարածվ բազում մարդկանց, որոնք փրկվել էին սուլթանից։

Այնուհետև Փաղունը դիմեց ամբարտապանության և անիրավության՝ Տփղիսի որոշ արվարձաններից տեղահանում էր արհեստավորներին։ Եվ երբ գարունը եկավ, թագավորն անցավ Քարթլի ու կանգ առավ Դիդգորիում, քանի որ այն թագավորական ամառանոցն էր։ Իսկ Փաղունը հաշվի չառավ թագավորի Դիդգորիում գտնվելը, երեսուներեք հազար զորքով, եկավ Տրփ-գիս, բանակ դրեց իսանիի դաշտում։ Այնտեղ թողնելով վրանները, ամեն գիշեր բարձրանում էր դեպի Մուխնար և ասպատակում Քարթլիի սահմանները։

Ապա ափսազաց թագավորը, որը գտնվում էր Տփղիսից այն կողմ, տեղեկանալով Քարթլիի կրած տառապանքի, Փաղունի ասպատակության մասին, հետախուզելու ուղարկեց Լիպարիտի որդի Իվանին, Քվաբուլիի որդի Նիանիային և Մուրվան Ջաղելուն՝ Ղվելիի էրիսթավին, նրանց հետ նաև այլ սակավաթիվ ազնաուրների՝ ընտիր զորքով հանդերձ։ Սակայն չկարողացան նրանց հանդիպել Քարթլիում, այլ նահանջողներին հասան Մուխնարի մերձակայքում՝ Միլկանի լեռների մոտ։ (Թշնամու) բանակի վերջապահ ուժերի վրա հարձակվեցին և սուրը մերկացնելուն պես փախուստի մատնեցին Փաղունին։ Կանգ առան նարեկվալի ձորում Փաղունի փախած զորքերը, որոնց կոտորում ու գերում էր ափսազաց թագավորի բանակը, ձորը լցվեց ձիերի և մարդկանց դիերով։

Ապա փախչող զորքի մեծ մասը սկսեց նահանջել Շոքոյի անտառով։ Եվ անտառներից, թփուտներից Բագրատի զինվորները հավաքում էին Փաղունի թաքնված զինվորներին, ինչպես ազնվասարեկի ձագերին։ Եվ կտրե-

ցին Ղարթիի նեղ կիրճը, Փաղունի զորքից քչերը աղատվեցին: Ասյա Բագրատի զորքը նրանց հետապնդեց մինչև Խերկ լեռը: Կոտորեցին ու գերեցին. Փաղունի զորքը: Իսկ Փաղունը մոտ տասնհինգ հեծյալով ճողոպրեց Միլկաճի ճանապարհով և հեղեղված Արազվի գետի ափին մոտեցավ, ուղևորվեց դեպի էրծո՝ իրեն որպես բանագնաց ներկայացնելով, թե իբր «Փաղունի բանագնացն եմ և որպես ավետարեբ գնում եմ Աղսարթանի մոտ, քանի որ ափսազաց թագավորի զորքը փախուստի մատնեցին»:

Հանդիպեց նրան ծանոթ մի մարդ, որը ճանաչում էր Փաղունին և ասաց. «Դու բանագնաց չես, այլ ամիրայից-ամիրա Փաղունն ես»:

Փաղունը այդ մարդուն ասաց. «Ընդունիր ինձանից մեծաքանակ ոսկի ու արծաթ և հարստություն ու մի՛ մատնիր ինձ, տեղափոխիր և ուղեկցիր, ինձ մինչև դաշտ ու եկ ինձ հետ»:

Այն մարդը նրան ասաց. «Ձեմ կարող այդ գործը անել, քանզի սույն երկրի բնակիչ եմ: Արդ, լսիր ինձ ու եկ ինձ հետ, և ես քեզ կտանեմ Աղսարթանի մոտ, որը քեզ կուղարկի քո երկիրը»:

Կամովին այդ շէր ցանկանում Փաղունը, սակայն այլևս անկարող էր գնալ էրծո: Առաջնորդեց այդ մարդը նրան և ժալեթում հանձնեց ազնաուր Տոլորեի ուրդի Իսահակին՝ մեսխ ազնաուրին: Այա իմանալով Փաղունի պալատ գալու մասին, (Իսահակը) կողոպտեց Փաղունի մարդկանց, իջեցրեց ձիերից և կալանավորեց ու Փաղունին նստեցրեց ջորու վրա: Եվ Իսահակը մոռանալով ափսազաց թագավորին հպատակ լինելը, ափսազաց թագավորից փախած Փաղունին կալանավորեց և տարավ Բոճորմա՝ իբր Բագրատին հանձնելու համար: Սակայն շտապ տարավ Թելավ և հանձնեց Աղսարթանին: Իսկ Աղսարթանը փութով նրան տարավ Խորնաբուշ, քանի որ երկյուղ էր կրում ափսազաց թագավորի հետապնդումից: Կալանավորեցին Խորնաբուշում Փաղունին և (վերջինս) տվեց նրան Խորնաբուշը: (Փաղունին) տարան Արադեթ, Արադեթը ևս տվեց Աղսարթանին:

Իսկ Բագրատը, որ երկյուղ էր կրում Փաղունին ազատ արձակելուց, Բոճորման և Ուշարման տվեց կախեթցիներին ու (իր հետ) տարավ Փաղունին: Կապեցին ցցին (նրան) և ուղևորվեցին Տփղիս: Եվ դժվարությամբ գրավեցին Տփղիսը, քանի որ այնտեղ ներսում գտնվող մարդն ինքն էր ջանում ամիրա դառնալ: Սակայն Բագրատն իրեն չպահեց Տփղիսը. այլ Դամիսում թողած Սիթլ-արարին գտավ, բերեց Տփղիս և նրան հանձնեց Տփղիսը: Իսկ իրեն վերցրեց Ռուսթավը, Փարցխիսը, Ագարանը (Ագարակը), Գրիգոլ-Մմիդան (Սուրբ Գրիգորը), Քավազինը և քառասունչորս հազար դահեկան, նաև պատանդներ՝ նրա (Փաղունի) եղբոր Մանուչի որդուն և Գանձակի երեք իշխաններին:

Այդ ժամանակ թարգմանիչներ էին Իոաննոն՝ երբեմնի պատշիկը, Պետրիծի իմաստասերը և Ստեփաննոն:

Այա սուլթանը ուղարկեց Սարհանգ Ալխազին, նրա միջնորդությամբ ու սուլթանի երաշխիքով հաշտվեց Բագրատը, արձակեց Փաղունին, հանապարհեց նրան դեպի իր (իշխանությունը) Գանձակ, նրա հետ էլ գնաց Սարհանգը:

Մատուցեցին Գագի բանալիները, և գրավեց ափսազաց թագավորը Գագը: Այնուհետև երդմնագանց եղավ Փաղունը ու խախտեց մեծ սուլթանի միջնորդությունն ու հափշտակեց Քավազինը: Եվ երբ դրանից հետո թագավորը ափսազաց երկրում էր, եկավ Փաղունը, պաշարեց Ագարակը և բերդապետն անձնատուր եղավ: Շտապ եկավ թագավորը, պաշարեց Ագարակը և գրավեց այն:

Եվ դուրս բերեց Դորդուիլուն՝ օսերի թագավորին, քառասուն հազար օս ռազմիկներով, զորահրամանատարությունը շնորհեց իր որդի Գեորգի կյուրապաղատին ու ավերեց Գանձակը, վերցրեց գերի և անհամար ավար, ուղարկեց իր թագավորությունը: Այնուհետև օսերի մեծ թագավոր Դորդուիլը կամեցավ ներկայանալ քրոջ փեսային՝ սերաստոս Բագրատին և տեսակցություն խնդրեց Բագրատից: Իսկ Բագրատը թույլ տվեց, և օսերի թագավորն ուրախությամբ եկավ օսերի բոլոր իշխաններով հանդերձ՝ անցավ Ափսազաց

երկրի ճանապարհով ու հասավ Քութաթիս: Եվ տեսավ իր քույր թագուհուն՝ Գեորգի կյուրապաղատի մորը, բայց դրանից առաջ Գեորգի կյուրապաղատը դիմավորեց նրան, և բերեցին Քարթլի: Թագավորը գտնվում էր նադարբազե-վում, Տինխիսիդի պարտեզում Ընդառաջ եկավ մեծ հանդեսով ու պատվով: Հանդիպեցին միմյանց Կեղունայում: Տիրում էր մեծ բերկրանք, և շե-րորներ, թմբուկներ մեծ ու ահեղագուշ ժողոր: Եվ միասին մնացին տասներ-կու օր՝ ամենայն հանգստությամբ ու բերկրանքով:

Չմոռան պատճառով շտապեցին, ապա (Բագրատը) օսերի թագավորին ու բոլոր մեծամեծերին շնորհեց նվերներ ու թանկարժեք պարգևներ: Ճանա-պարհեց և մեկնեցին ուրախությամբ:

Վախճանվեց կաթողիկոս-պատրիարք Օթրոպիրը և կաթողիկոս օծվեց Գեորգի Տայեցին: Կարճ ժամանակ անց վախճանվեց Գեորգի Տայեցին, ու կաթողիկոս-պատրիարք դարձավ Գաբրիելը:

Այնուհետև սուլթանը ուղարկեց բանազնացներ և Բագրատ թագավորի համար ժողովում էր նվերներ, մեղմությամբ պահանջում էր խարաջ: Սակայն Բագրատ թագավորը չսահմանեց խարաջ, այլ նա ևս բանազնացներ է- ու-ղարկում և հավաքում նվերներ (սուլթանի համար): Եվ նրանց միջև աբտա-բուստ կար սեր և միութուն:

Մի քանի տարի անց, երբ Բագրատ թագավորը գտնվում էր Սամշվիլդեի լճերի մոտ, որովայնացավով հիվանդացավ ու կանգ առավ Մարաբդայում: Եվ սաստկացավ հիվանդությունը. տարան պատգարակով, որի մոտ էին գտնվում Գեորգի կյուրապաղատն ու նրա բոլոր դիդբուլները, իսկ կյուրա-պաղատ Գեորգին ընթանում էր առջևից. թագավորին բերին Քարթլի. նրա բոլոր դիդբուլները ևս եկան այնտեղ: Ապա ժամանեցին նրա մայրը՝ Մա-րիամ թագուհին, և նրա կին Բորենան ու դուստր Մարիամը: Ապա մի քանի օր անց իր որդի Գեորգի կյուրապաղատին հանձնեց թագավորությունը, այդ թա-գավորության դիդբուլներին և բոլորին հպատակեցրեց նրան ու ասաց իր մորը. «Մայր իմ. խղճում եմ քեզ, քանզի քո բոլոր զավակները քեզանից առաջ կվախճանվեն, և այդպես էլ ինքդ կմեռնես»: Այնուհետև Բագրատը վախճանվեց նույնքան ամսվա քսանչորսին՝ քրոնիկոնի երկու հարուրդ իննսուներկուերորդ տարում (1072 թ.):

Եվ Բագրատի մահվան ժամանակ սպանվեց նաև սուլթանը մի ոմն թուրք ծերունու կողմից՝ իր զորքի ճամբարում: (Սուլթանը) անցել էր Զիշուն (գետը) յոթ հարյուր հազար մարդով, արշավել թուրքերի սուլթանի դեմ, Սամարղանդի մոտ գտնվող ինչ-որ բերդ պաշարել և սպանվել այդ բերդի թուրք տիրոջ կողմից, սակայն այդ թուրքը չէր հասցրել բերդ մտնել՝ նրան անողորմաբար թրատեցին: Բագրատն ու սուլթանը չիմացան միմյանց մահը:

Այնուհետև գահ բարձրացավ Բագրատի որդի Գեորգի կյուրապաղատը³⁵:

Եվ նրա ողջ թագավորության մեջ անդորր էր տիրում: Մեծ փառքով ու հարգանքով հուղարկվորեցին և թաղեցին (Բագրատին) շիրուն-դիդիում: Այս Բագրատ թագավորն ինը տարեկան էր, երբ գահ բարձրացավ և վախճանվեց հիսունվեց տարեկան հասակում: Այս Բագրատը սկզբից կյու-րապաղատ էր, այնուհետև դարձավ նովելիսիմոս, ապա՝ սեբաստոս: Նա գե-ղեցիկ էր, բոլոր այրերից իմաստությամբ կատարյալ, ճարտասան փիլիսո-փա, երջանիկ՝ բախտով, ափսազաց բոլոր թագավորներից ամենահարուստը, մեղավորներին՝ ողորմացող, առատաձեռն՝ (տնանկների) հանդեպ: Սակայն նրա օրոք երկիրը հանգստություն չունեց. եկեղեցիները և շինականները, ազնաւորները և աղքատներն անասելի վատ վիճակում էին:

Քարթլիի և ափսազաց երկրի ճիսունչուսերուդ թագավոր Բագրատի որդի Գեորգի Բագրատունին

Գեորգի թագավորն աղքատներին ողորմացող և կարեկցող, ահեւ այր էր և ափսազաց բոլոր թագավորներից ամենաառատաձեռնը, բոլորից հյու-րասերը, ընտիր հեծյալ-աղեղնավոր էր:

իր հորից հետո խաղաղ անցկացրեց մեկ ձմեռ և կես ամառ: Այնուհետև սրա թագավորության իշխանները՝ Քվաբուլիի որդի Նիանիան, Լիպարիտի որդի Իվանեն և սվանների էրիսթավ Վարդանը իբրև թե Գեորգի թագավորի մանկահասակ լինելուց ինչ-որ ձևով օգտվել կամեցան և խառնակություն գեցին երկրում: Իվանեն դաշնակցելով կախեթցիներին, եկավ կանգնեց Քսանի (գետի) ափին, իսկ Նիանիան հափշտակելով Քութաթիսի գանձարանը, ամրացավ Քութաթիսում: Վարդանը ոտքի հանեց սվաններին՝ անհնազանդ հարկատուներին, ասպատակեցին և կոտորեցին Սաեգրո երկիրը (Եգերաց աշխարհը):

Սակայն Գեորգի թագավորը հաղթեց առաքինությանը, իմաստությունը, և ներողամիտ դարձավ, շնորհեց Իվանեին Սամշվիլդեն, իսկ Իվանեի որդի Լիպարիտին Լոծոբանը (Մոբենը)՝ Ռուսթավի փոխարեն, որը տվել էր կախեթցիներին, իսկ Նիանիային շնորհեց Թմոգվին և այլ ընտիր իրեր, Վարդանին պարգևեց Ասկալանան, Զազելիներին՝ Ութաղուբուն: Իվանեի առաջարկով բոլոր հավատարիմներին և անհավատարիմներին շնորհեց ողորմաժողովուն և թագավոր Գեորգին խաղաղեցրեց իր թագավորությունը:

Կրկին ապստամբեց Լիպարիտի որդի Իվանեն, և (այդ մասին) իմացավ Գեորգի թագավորը: Քութաթիսից եկավ Սամցխե՝ իր հետ բերելով մեխսերին, անցավ և եկավ Սամշվիլդեի դարպասների մոտ: Այնտեղ բերեց կախեթցիների թագավոր Աղսարթանին: Իվանեն չկարողացավ պատսպարվել բերդում, հեռացավ դեպի հարավային լեռները: Այդ խառնաշփոթության ընթացքում Աղսարթանը խլեց Լիպարիտից Լոծոբանը, ներխուժեց Սամշվիլդե, թողեց անցավ Զավաթը, և բերեց արքայից-արքա Գեորգին նրանց իր առջև ու էկրանթայում հավատարմության երդում տվեցին, որից հետո Իվանեի (իրավունքները) հաստատվեցին Կլեկարիի և Սամշվիլդեի նկատմամբ:

Դարձյալ ապստամբեց Իվանեն, խաբեությանը գրավեց Դագը Գեորգի թագավորի բերդապահներից, վաճառեց (այն) Գանձակի տեր Փաղուռին: Ապա եկավ սուլթան Մելիքշահը՝³⁸ համայն քրիստոնյաների թշնամին, Իվանեն իր որդի Լիպարիտին ընդառաջ ուղարկեց նրան (Մելիքշահին), ենթարկեց սուլթանին, և մնաց նրա մոտ որոշ ժամանակ, ապա (Լիպարիտը) փախավ: Սուլթանը եկավ և պաշարելով գրավեց Սամշվիլդեն ու գերի դարձավ ինքը՝ Իվանեն, կնոջ հետ, թոռներով և բոլոր ազնաւորների կանանցով հանդերձ, (իսկ) Սամշվիլդեն, սուլթանը պահեց իրեն: Այնտեղ գտնվելու ժամանակ ասպատակեց Քարթլին, անթիվ գերի և ավար տարավ, ապա հետ դարձավ: Այնուհետև գրավեց Գանձակը, Գանձակի իշխող կարգելով Սարհանգին, նրան թողեց քառասունութ հազար զինվոր, (այդ) ողջ երկիրը նվաճելու նպատակով: Փաղուռը պատսպարվեց ամուր բերդերում, սակայն չկարողացավ դիմակայել: Նրան ևս դուրս բերեցին ու կալանավորեցին:

Կարճ ժամանակ անց Սարհանգը ժողովեց իր և Գանձակի ողջ ղորքը՝ Դվինի և Դմանիսի ամիրանների զինակցությանը ու շարժվեց Գեորգի թագավորի դեմ: Ժողովեց արքայից-արքա Գեորգին իր ողջ ղորքը՝ Վերին և Ներքին երկրներից, իր մոտ բերեց (նաև) Կախեթի թագավոր Աղսարթանին ու բախվեցին միմյանց: Աստված հզորացրեց Գեորգի թագավորին. փառավոր խաչի հովանավորությամբ Փարցխիսի մոտ հարձակվեց նրանց վրա, փախուստի մատնեց Սարհանգի բանակը, ցրիվ տվեց և կոտորեց: Երեկո էր, և գիշերը փրկեց Սարհանգի զորքի մնացորդներին. արքայից-արքա Գեորգին անկորուստ ու խաղաղ վերադարձավ իր թագավորությունը:

Այնուհետև աստված (Գեորգիին) շնորհեց հույների բռնագրաված բերդերը: Դրավեց հույներից Անակոփիան՝ Ափխազաց երկրի բերդերից գլխավորը և Կղարջքի, Շավշքի, Զավաթի և Արտահանի բազում բերդերը: Ապա աստված (այսպիսի) շնորհ արեց նաև (Գեորգիին). նա գրավեց Կարս քաղաքը՝ բերդ-երկիրը և Վանանդի ու Կարնու փոքրի (Կարմիր փորակի) ամրոցները և թուրքերին վտարեց այդ երկրներից:

Թարգմանցիլ և ծանոթագրեցիլ Վ. Մ. ՄԱՐՏԻՐԱՅԵԱՆ

Հ. Գ. ՄԱՐՏԻՐԱՅԵԱՆ

ԾԱՆՈԹԱԳՐՈՒԹՅՈՒՆՆԵՐ

- 1 Այսինքն 1021 թ. Գեորգի I-ը գահակալել է 1014—1027 թթ.:
- 2 Բնագրում հիշատակվող տարածքը ճշտիվ համապատասխանում է հայկական աղբյուրների «Արենից կողմանց Լրկրին»։ Այսպես էր կոչվում հայկական իշխանությունների համակարգը՝ Հյուսիսային Հայաստանը, որը հետագայում Զաքարյանների և նրանց վասալ հայ իշխանների ժառանգական տիրույթն էր։
- 3 «Սվինգաթսը» պիտի լինի հայկական աղբյուրների Ճամբար գյուղը։
- 4 Այսինքն հայրենիք վերադարձավ 1025 թ.:
- 5 Բյուզանդական կայսր Կոստանդին VIII (1025—1028 թթ.):
- 6 Նկատի ունի Քարթլիի կաթողիկոս Մեղիսեղեկին (XI դ. առաջին երեսնամյակ)։
- 7 Գեորգի I-ի և Մարիամ Թագուհու դուստրեր Գուրանդուխտը և Կատան համապատասխանաբար ամուսնացած են եղել Կարսի Թագավոր Գագիկի (1029—1065 թթ.) և Տաշիր-Ձորագետի Թագավոր Կյուրիկե II-ի (1048—1089 թթ.) հետ։
- 8 Բանակում (վրաց. Բանա) նստող եպիսկոպոսի տիտղոսն էր։
- 9 Տրեթի Եպիսկոպոսի տիտղոսը։ Տրեթը Շավշթ գավառի կենտրոնն էր։
- 10 «Կյարչի» — Կղարչք գավառի տիրակալի տիտղոսը։
- 11 «Անչիլի» — Անլա վանքի եպիսկոպոսի տիտղոսը։
- 12 Ռոմանոս — Բյուզանդական կայսր Ռոմանոս III (1028—1034 թթ.) որն ամուսնացած էր Վասիլ II Բուլղարասպանի զարմուհու՝ Զոյայի հետ։
- 13 Հավանաբար, այդ նույն ժամանակ կայսեր արքունիքում էր գտնվում նաև Երկրորդ որդին՝ արքայազն Դեմետրիոսը։
- 14 Տաշիր-Ձորագետի Թագավոր (989—1048 թթ.) Կյուրիկեի (Գուրգենի) որդին ու գահի ժառանգորդը։
- 15 Նկատի ունի Տփղիսի էմիր Զաֆար իրն Ալիին (1032—1046 թթ.)։
- 16 Տփղիսի պաշարումը տեղեց երկու տարի (1037/38—1039/40 թթ.)։
- 17 Տաշիր-Ձորագետի Թագավոր Դավթի ու Զորակրծելի՝ Կախեթի վերջին քորեպիսկոպոս Դավթի դստեր որդին՝ Գագիկը (1037/38—1058 թթ.) գահակալեց իր հորեղբորից՝ Կյուրիկե III-ից հետո, քանի որ վերջինս անժառանգ մահացավ։
- 18 Հունա-հռոմեական կշռի, ծավալի լափի միավոր, հավասար է 300—500 գրո։ Օրինակ՝ XIII դ. այն հավասար էր 408 գրամի։
- 19 Արծաթե դրամ՝ 3,06 գր քաշով, ինչպես նաև կշռի լափ։
- 20 Գանձակի էմիր Ալի-Լաշքար II-ը (1034—1049 թթ.) ոչ թե Փաղուն իրն Մուհամմեդի (958—1031 թթ.) որդին էր, այլ թոռը։
- 21 Բագրատ IV-ի գործելակերպի վրա այդչափ անակնկալ ազդած պատճառներից մեկն այն լուրն էր, որ Վրաստանի սահմաններին էր մոտեցել Տփղիսի էմիրին օգնության եկած Թուրք-սելջուկների զորքը։ Բագրատ IV-ի նման քայլը համարվում է միանգամայն մտառված իրավիճակի պահանջին համապատասխանող։
- 22 Ինչպես ասված է վերը (տե՛ս ծան. № 17) 1037/38 թթ. Կախեթ-Շեքեի գահին բարձրացավ Կյուրիկյան Գագիկը։ Սակայն նրա գահակալությանը թշնամաբար վերաբերվեցին Կախեթի ավագանու որոշ ներկայացուցիչներ, որոնք առաջ էին քաշում Կյուրիկե III-ի մյուս քրոջ ամուսնու՝ Մարելիսի բերդի տիրոջ՝ Աշոտ Մարելիսու թեկնածությունը, որը, անշուշտ, դժգոհ էր Գագիկի գահակալությունից։ Քաղաքական ուժերի նոր տեղաբաշխումը խախտում էր Բագրատ IV-ի ժրգրեբը նրա արենլյան դրացիների նկատմամբ։ Ուստի և ստեղծված իրավիճակի բերմամբ Աշոտ Մարելիսին դարձավ Բագրատ IV-ի դաշնակիցը։
- 23 Նկատի ունի Բագրատունյաց Հայաստանի քաղաքական գործիչներից մեկին՝ Սարգիս Հայկազնին։
- 24 Մարիամը Անիի կառավարիչ նշանակեց իր վասալներից Արուսերին։
- 25 Իր որդու կողմից Տաշիր-Ձորագետի Թագավոր Դավթի Կյուրիկյանի հանդես գալը բացատրվում է այն իրողությամբ, որ նրանք երկուդ էին կրում Բագրատ IV-ի հետագա նվաճումներից, որն ամրապնդվել էր Տփղիսում և ընդհուպ մոտեցել նրանց սահմաններին։ Ի դեմս՝ Լիպարիտի, որին սատարում էր Բյուզանդիան, Դավթի թեկնածու էր հզոր ու խոշոր մի ավատատերի, որն ըստ ամենայնի դիմադրում էր Բագրատ IV-ի կենտրոնացնող քաղաքակալությունը։
- 26 Ռկինիսիվարի էր կոչվում Զեկարի լեռնանցքը, այժմյան Աբասթումանից հյուսիս։
- 27 Սուլթան-Թուրուն-Բեկի (1038—1063 թթ.) խորթ եղբայրը, սելջուկ զորավար։

28 Նկատի ունի սուլթան Ալի-Արսլանին (1063—1072 թթ.):

29 Թուրք սելջուկների առաջին ներխուժումը Վրաստան տեղի ունեցավ 1064—1065 թթ., իսկ երկրորդը՝ 1067—1068 թթ.:

30 Նկատի ունի Տաշիր-Ձորագետի թագավոր Կյուրիկե II-ին, որի հղբայրն ու զահակիցն էր Սմբատը: Բերված վկայությունից երևում է, որ Բագրատ IV-ի երկրորդ քույրը ոչ թե Կյուրիկե II-ի, այլ նրա եղբոր՝ Սմբատի կինն էր, և սուլթանը խնդրում էր ոչ թե Կյուրիկե II-ի, այլ Սմբատի դստեր ձեռքը: Մատթեոս Ուտչայեցու վկայության համաձայն Բագրատ IV-ի զարմուհին Կյուրիկե II-ի դուստրն էր (Մատթեոս Ուտչայեցի, Ժամանակագրություն, Վաղարշապատ, 1898, էջ 145): Բագրատ IV-ը անհրաժեշտ էր համարում սուլթանի հետ իր զարմուհու ամուսնության կապակցությամբ Կյուրիկե II-ի համաձայնությունը ստանալ այն պատճառով, որ վերջինս Տաշիր-Ձորագետի թագավորության պաշտոնական ներկայացուցիչն էր: Վրաց վարկածի համաձայն Բագրատ IV-ի խնդրանքը մերժվեց: Իսկ ըստ Մ. Ուտչայեցու, սուլթանը չալոց թագավորի դստեր ձեռքը ոչ թե Բագրատ IV-ից, այլ Կյուրիկե II-ից խնդրեց, որը երկիրը հետագա ավերածություններից զերծ պահելու միտումով տվեց իր համաձայնությունը:

31 Բագրատ IV-ը սուլթանի խնդրանքը օգտագործեց նաև Տաշիր-Ձորագետի արքա Կյուրիկե II-ի հետ հաշմենդարդար տեսնելու և նրա երկրորդ մայրաքաղաքը խլելու համար: Դրանից հետո հայ Կյուրիկյանների թագավորությունը զգալիորեն թուլացավ: Դա տեղի ունեցավ նաև այն պատճառով, որ Կախեթ-Ղերքի թագավորությունը, որտեղ իշխում էր Գագիկի որդին և թագաժառանգը՝ Աղսարթան I-ը (1058—1084 թթ.), անկում էր ապրում:

32 Նկատի ունի Թուրք-սելջուկների 1068 թ. ներխուժումը:

33 Կախեթ-Ղերքի թագավոր Աղսարթան I (1058—1084 թթ.):

34 Այսպես էր կոչվում Մցխեթայի դիմաց՝ Արագվիի ձախ ափին բարձրացող Զվարի վանքը: «Զանվթա» բառացի նշանակում է ռշթանների վայր: Այս անվանումը մնացել է նախաբրիտոնական ժամանակներից, երբ մարդ զոհաբերելու սովորություն գոյություն ուներ: Զոհաբերվողը կապվում էր սրբազան շղթայով:

35 Նկատի ունի ափսազա-վրաց թագավոր Գեորգի II-ին (1072—1089 թթ.):

36 Սուլթան Մելիքշահ (1072—1092 թթ.):